

QVÆSTIO MEDICA

CARDINALITIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS I. MARTII,

M. PETRO SEGVYN, Regi à Consilijs Interioribus, Reginæ primario Medico, & Facult. Med. antiquiore Decano, Moderatore.

An Quadragesima Ieiunium, animis corporibꝫque curandis salubriter institutum?

881.

N IHIŁ æquè nocet homini, ac voluptas corporis, eaque præsertim malorum omnium elca est, quæ ab elcis potionibꝫque intemperatis percipitur, siue illæ jucundo sapore, palato blandiantur, siue copiâ, varietate, mensarum frequentiâ, & morâ ventrem onerent, seu intempestiue, præpostere, & auidè capiantur. Quotusquisque est, qui in cibis deliciis non confectetur, qui simplici vescatur cibo, qui eum rite comminuat. Epulas nemo non producit ad fastidium, & multi quidem ternas vno die, vel quaternas, addunt etiam non pauci comestationes: nobis omnibus adeo illudit ea suauitas, vt vix prospiciamus, quam grauius valetudinis detrimenta inferat. Ex hac voragine corpus nostrum inundant, opprimunt, & inquinant humores crudi, acres, atque concreti, è quorum cæno funduntur multiformes fœtus, obesa & turgida corporum moles, vel macies, decolor vultus, vel genarum rubor, oris halitus putris, alarum hircus, grauis, & iners incessus: atque his vitijs pejores inde nascuntur morbi, ventriculi morbus, atque tumulus, alui profluuium, etiam cruentum, lumbrici, calculi, ramices, coli, renum, articularum dolores, in spirando labor, febris, hydrops, vertigo, sensuum omnium stupor, obliuio, & plerumque animam inuadit gulæ nequitia, eamque oppugnat, donec injectâ mentis inopiâ, & ratione depressâ, senserit iram & cupiditatem efferri atque exultare. Tot eius intemperantiæ mala præcauebit ac profligabit Medicus, frictione non segni, prolixo & vehementi exercitio, epoto aceto: vel citius quidem vomitu, incisâ venâ, potionè purgante: sed multò tutius & iucundius victu mediocri, qui redundantes humores minuit, impuros corrigit, compactos diluit, & expellit. Is enim victus, & omnino jejuniū animis, corporibꝫque, verno tempore præcipuè conuenit.

P ER quatuor hybernos menses, calore in viscerum angustias coacto, edacitatis libido feruentior est. Saginâ & pinuitâ in dies crescentibus, insciantur spiritus, & à debita sibi puritate, ac tenuitate desciscunt. Atque vt animo corporique communis fortuna est, nidore, fumo, vel aquâ in cerebri lacunis sedente mentis acies obtunditur. Vtique hyemis vitio perseverante, ciues nostri, & Scythæ iisdem moribus informantur: sed melior viuendi conditio nobis obtingit, quod apud nos hyemem excipit veris amenitas, quæ suo tepore frigoris asperitatem emollit, cutis meatus aperit, humores constrictos in venis liquat, ac ne Camarinam mouisse videatur, solet idcirco verna tempestas solutis niuibꝫ riuos deducere, & inutilem humorem mille morborum materiem exinanire: eoque nomine potissimum salubritatis gloriam sibi comparat, quod sit euacuando & expurgando corpori maximè idonea. Ac multiplex quidem vacuandi ratio inuenta est à Medicis: quæ tamen hoc veris æquinoctio, sine periculo medeatur, ferme nulla. Vna est omnium tutissima & præstantissima, victus mediocris, & nonnulla fames singulas corporis partes æqualiter & sensim exsiccat, eaque siccitate lucem animo reddens; si verò ad plures dies producit, profectò jecoris lasciuia reprimet, atque præcordiorum iram temperabit.

A BSTINENTIA anceps, & ambiguum præsidij genus est, quod vsu aut abusu prodesse solet, vel obesse: seu firmâ, seu imbecillâ valetudini imperetur, arduum & difficile, cuius gratia nulla est, nisi prius hominum temperiem, ætatem, vires, consuetudinem, tempestatem atque regionem expendis. Quidquid carnis & pinguedinis accreuit torâ elapsâ hyeme, non licet incaute quamprimum vere, vno impetu exturbare exactâ aliquot dierum inediâ, sed identidem leuiter perstringere, sensimque excurrere, parçâ manu, quod satis est offerendo, idque paulò longiore temporis interuallo: cui operi præstando institutum est, sanctissimo Ecclesiæ præcepto, & saluberrimo Medicorum consilio Quadragesimæ Ieiunium, his legibus: ouis & carnibus in exilium missis, fructus, fruges, pisces, in cibum adhibentur: per singulos dies, ne vipa quidem conceditur manè, nisi inualido, jejunos perstas ad meridiem: tum verò prandium est liberale, citra fatietatem: demum vespertinam cœnulam placidior excipiet somnus, tum temporis maximè expectendus, vt calor innatus promptè excocto parciore alimento alacrior, modice, temperatum, salubre, & quod hybernâ crapulam paulatim excoquit.

N ATVRA, & æmula naturæ consuetudo, sui instituti memores, si quid nouum, insolens, aut immoderatum irruit, repentè percelluntur: quare voracem hyemis genium plus nimio conuiujs indulgentem, Phiditijs planè aduersantibus commutare non oportuit, sed paulatim inflectere, & emendare. Quadragesimæ abstinentiâ: quam quidem vescendi rationem non dices plenam, neque tenuem, quin potius medicorem existima, in qua tibi nulla definita est mensæ mensura: vel certè eâ moderatione constat, vt molem corporis admodum paululum minuat, viresque sustentet: Vcl vno pisorum pulmento corporis robur contineri potest. Quamplurimi pisces succi bonitate commendantur, & eâ leuitate, vt stomacho nihil officiant: idcirco si vernâ tempestate exhibeantur, non habendi sunt carnibus salubritate inferiores: sanguinis feruidioris luxuriam sua frigiditate in temperamentum reducunt, aut si quid fortè squalloris inducat inedia, suo humore blandè abstergent: quo munere, neque ouia, neque carnes fungentur. In tantulo caruisse non est molestum homini bene valenti; huic desiderio sufficit, qui manè viget sanguis, naturæ deliciae. Semper vtilius fuit cœnam rescindere, quam prandium, quod est bilis æstuantis, & diurni laboris solatium. Ieiunis sæpissimè nocuit famem mero fallere, sine quo vespertinam cœnulam placidior excipiet somnus, tum temporis maximè expectendus, vt calor innatus promptè excocto parciore alimento alacrior, crudis, vitiosisque humoribus conficiendis, & edomandis sedulo incumbat, eoque opere morborum minas omnes contundat.

V ERNA tempestas calore & humore sibi familiaribus, ministris, vitam, fecunditatēque quasi reducem ex hyemis orco euocat. Ea causâ est cur fruges pullulant, frondescunt arbores, parturiunt, pariuntque aues, pecudes, syluestresque belluæ: idèque carnes sub id tempus rariores sunt, vel non sunt esui: nondum exclusi sunt pulli gallinarum, perdicum, phasianorum, nondum editi vituli, agni, hœdi, porcelli, lepustuli, cuniculi, hinnuli, atque nefrendes apri: vel eorum recens editorum caro obliuio, & sanie nutrimento ineptâ, scatet: vetustis verò animalibus durior est, atque nonnullis soboli operam dantibus liminio reuocet, & cum fœnore gratiam rependat. Interea piscibus sua quædam inest firmitas, expetita soliditas, quâ nobis vescendum est semel quidem in die. Tum relictâ ab hyeme succi tenaciores Solis accedentis calore dulciores facti in sanguinem abeunt, tum efficiuntur omnes quodammodo, vt pinuitosi, vel sanguinei: proinde minimū nocet inedia, imò iuuat maximè, à putredine vindicat, plenitudinem amouet, quæ membra lacerat mille cruciatibus, alienum humorem effectorem stultitiæ penitus haurit, siccūque sapientiæ splendorem animo præfert, quo munere nihil est in homine diuinus:

Ergo Quadragesima Ieiunium, animis corporibꝫque curandis salubriter institutum.

Proponebat Lutetiæ CAROLVS LE BRETON, Parisiensis. A. R. S. H. M. DC. XL.